


七

唐人絕句五言一



萬首唐人絕句目錄

五言

卷第一

杜甫三十一首

李白六十九首

卷第二

韓愈二十六首

柳宗元十首

劉禹錫五十二首

孟郊十二首

卷第三

白居易一百首

卷第四



岑參十二首

王維四十八首

裴迪二十二首

孟浩然十四首

虞世南三首 秘書監

李嶠一首

卷第五

錢起一百首

卷第六

錢起二十一首

元稹三十五首

劉長卿三十首

朱慶餘六首

李躔二首

許渾六首

卷第七

宋之問六首

高適六首

元結八首

韋應物六十首

司空文明十六首

趙嘏四首

卷第八

王績十八首 太樂丞

王勃二十三首

盧照鄰十一首

駱賓王六首 長安主簿

張九齡五首 宰相

李賀二十四首

儲光羲十三首

卷第九

戴叔倫二十三首

盧仝十首

楊衡四首

劉义八首

張籍二十一首

吕温十二首

王建十六首

馬戴六首

卷第十

張說十九首

施肩吾三十一首

權德輿二十六首

項斯二首 丹徒尉

曹鄴二十二首

卷第十一

陳叔達二首

韋承慶一首 宰相

賀知章二首

東方虬三首 左史

王昌齡十二首

李益十七首

李端二十首

賈島十四首

陳陶二十九首

卷第十二

王涯十五首

令狐楚二十二首

張仲素十七首

李華三首

于季子一首

耿湜三首

丘爲一首 太子右庶子

丘丹三首

李羣玉三十一首

嚴維一首

羊士諤三首

卷第十三

陳子昂四首

左拾遺

郭元振八首

宰相

李義府三首

宰相

上官儀一首

盧綸十三首

皇甫曾一首

侍御史

皇甫冉二十一首

崔道融四十首

韓翃二首

戎昱一首

賈至一首

于武陵五首

卷第十四

武元衡五首

裴度三首

李德裕七首

李紳五首

獨孤及一首

李嘉祐三首

陸長源一首

徐凝十四首

韓琮一首

楊巨源三首

趙冬曦一首

杜牧二十七首

顧況二十三首

陸暢三首

邵謁三首

卷第十五

李商隱三十七首

盧象一首

王之渙二首

張繼二首

于鵠一首

于濆一首

咸通進士

薛維翰二首

劉商十首

裴夷直十二首

鞠信陵一首

雍陶八首

劉庭琦一首

王縉一首

李福業一首

李暇四首

姚合十二首

崔顥四首

司勳
外郎

卷第十六

柳明獻一首

張祜二十六首

暢當一首

聶夷中五首
華陰尉

朱放一首

辛洪智一首

楊師道一首

宰相

鮑溶十首

陳羽一首

崔國輔十六首

商堯藩一首

張碧二首

胡幽正二首

竇牛一首

竇羣二首

竇鞏一首

崔塗三首

熊孺登一首

喻鳧六首

李頻九首

祖詠一首

崔興宗一首

溫庭筠三首

段成式一首

司空文明一首

再見

薛奇童一首

卷第十七

陸龜蒙六十五首

皮日休十三首

任蕃一首

李康代一首

朱光弼一首

劉方平四首

李何一首

楊凌六首

楊凝六首

李愿一首

卷第十八

司空圖七十五首

曹松五首

劉得仁一首

崔櫓一首

劉駕六首

紇于著一首

盧隱二首

霍揆一首

劉阜一首

王適一首

武瓘一首

柳中庸一首

吳筠三首

卷第十九

張起一首

孟遲四首

韋莊五首

邵真一首

許鼎一首

張喬一首

盧僎四首

唐彥謙四首

高駢五首

儲嗣宗六首

雍裕之一首

薛瑩六首

綦毋潛一首

韓偓十五首

盧儲二首

陸海二首

陸開一首

薛耀一首

高蟾十首

錢珝一首

鄭谷七首

郎士元一首

楊重玄二首

羅隱二首

皇甫松一首

周朴一首

杜荀鶴四首

李收一首

王鐸一首

劉采春六首

裴誠三首

卷第二十

張說一首

李白四首

孟郊五首

李益九首

王維一首

沈警二首

賀遂涉一首

趙謙光一首

皎然十九首

貫休四首

脩睦一首

靈徹二首

子蘭一首

齊己三首

薛濤十首

郎大家宋氏一首

范靜妻沈氏六首

明皇宮人二首

宣宗宮人一首

徐九臯一首

鄭僕射一首

沈詢一首

路德延一首

崔鶯鶯二首

伊州歌五首

陸州歌七首

水調歌二首

凱樂歌詞三首

湘驛女子一首

蘇頲一首宰相

西鄙哥舒歌一首

卷第二十一

樂府辭二十二首

歐陽詹二首

王建十一首

趙彥昭一首

李乂一首

武平一首考功員外郎

戴叔倫十七首再見

李白一首三見

顏真卿一首

荆叔一首

張說二首三見

劉言史一首

權德輿一首再見

雍裕之二首再見

王玄一首

崔署一首

梁鎰一首

姚合三首再見

張蘊三首洪崖先生

王灣一首

王勃一首再見

温庭筠一首再見

盧延讓一首

聶夷中二首

再見

柳逢一首

蕭穎士七首

揚州功曹

陰行先五首

許敬宗三首

宰相

皎然二首

再見

女郎梁瓊一首

薛濤一首

卷第二十二

狀江南十二月景鮑防一首

再見

謝良輔二首

嚴維一首

再見

賈弇一首

樊珣一首

范燈一首

鄭槩一首

沈仲昌一首

劉蕃一首

呂渭一首

禮部侍郎

丘丹一首

再見

太宗一首

明皇二首

文宗二首

鄰士一首

張敬忠一首

呂羣二首

李遐周一首

僧普滿一首

元載妻王氏一首

鮑生妾一首

阿蘇兒一首

鸚鵡

水府真君二首

廣陵道士一首

織女二首

郭翰二首

馬信真一首

徐湛真一首

郭修真一首

夏守真一首

楊敬真一首

張佐一首

張女郎一首

小女郎二首

洞庭龍女一首

女郎一首

慕容垂一首

巴峽人一首

河湄枯骨一首

高力士一首

唐暉一首

張氏二首

唐暉亡妻

韋璜一首

幽獨君一首

竇裕一首

陸憑一首

韓弁一首

王氏婦二首

李章武二首

獨孤穆一首

臨淄縣主一首

來家娘子一首

商山孤館書生三首

萬商妻孟氏二首

少年一首

安邑坊女子一首

蜜陀僧一首

湖城女怪

蕭中郎二首

冢中人一首

陳蔡間

李叔霽一首

崔暇妾一首

蘇檢妻一首

昌州鬼一首

金條一首

張不疑青

東柯院妖二首

石龕寺江裳一首

燈

甯茵一首

班寅一首 南山將軍

班特一首 挑林處士

魏王池畔女子一首 猿

蜀道夫人二首 猩猩

焦封二首

張生妻二首

長鬚人一首

申屠澄一首

真符縣女子一首 虎

柳藏經二首 柳

盧獻卿一首

趙象一首

山中客一首

卷第二十三

韓愈一首 再見

李白二首 四見

劉禹錫二首 再見

白居易一首 再見

李益二首 三見

王勃九首 再見

馬戴三首 再見

岑參四首 再見

劉長卿一首 再見

韓翃一首 再見

李端一首 再見

雍陶二首 再見

盧仝五首 再見

姚合一首 再見

李羣玉一首 再見

鄭谷二首 再見

徐希仁一首

皎然七首 三見

雍裕之二十首 三見

王昌齡二首 再見

曹鄴五首 再見

皮日休一首 再見

李崇嗣一首

柳公權二首

徐凝一首 再見

劉得仁一首 再見

盧駢一首

李德裕一首 再見

劉太真一首 禮部侍郎

胡曾一首

廬山女子一首 鯉魚

水心寺僧一首

新林驛女子一首 飛生

景龍童謠一首

建中童謠一首

袁氏少年二首

楊巨源一首

辛擘女子二首

蒼頭捧劍一首

史部選人一首

蔡京一首

卷第二十四

武后一首

長孫無忌一首

景龍文館學士九首

陳子昂二首 再見

張說十首 三見

祖詠四首

王維一首 三見

李白一首 四見

武平一一首 再見

宋之問二首

孔昭安一首

簡朝隱一首

沈佺期一首

孔德紹一首

章玄同一首

郭恭一首

裴延二首

錢起十一首 再見

侯夫人五首

元稹一首 再見

李澣一首

杜牧一首 再見

張祜四首 再見

僧子蘭一首 再見

朱貞白二首

天津道士一首

如意女子一首

楊收三首

張文恭一首

唐怡一首

沈如筠二首

沈千運一首

裴脩然一首

趙自然一首

僖宗宮人一首

越溪楊女二首

延福里筆精二首

江西射覆客一首

京師客一首

元氏犬一首

邢巨一首

潘佐一首

魏巒一首

司空圖一首 再見

吳興神女一首

太湖魚一首

毛女正美一首

夏侯子雲一首

商七七一首

孟浩然二首 再見

呂溫二首 再見

王軒一首

卷第二十五

虞世南二首 再見

陳叔達一首 再見

東方虬一首 再見

高適一首 再見

孟郊八首 三見

權德輿一首 三見

裴度一首 再見

張顛一首

李嗣宗一首

任生一首

朱柳一首

朱放二首 再見

劉言史一首 再見

潘圖一首

僧無本二首

皮日休一首 再見

李季華一首

貫休三首 再見

羅鄴三首

成文幹三首

李榮道士一首

孫逖二首

盧肇一首

卞召一首

崔是一首

皇甫曾一首

朱景玄九首

左偃五首

盧士衡一首

鄭愔一首

王夢周三首

李昌符一首

蔣吉四首

王建二首 三見

張喬二首 再見

李端一首 三見

司空文明一首 三見

陳羽一首 再見

何仲言十四首

裴說一首

奚銑金三首 雞

蘇頲五首 再見

宋璟一首 宰相

鄭惟忠一首

崔元翰一首

胃藏瓠一首 蠅

六言

卷第二十六

王維七首

韓翃二首

韋應物二首

劉長卿三首

皇甫冉三首

李景伯一首

沈佺期一首

裴談一首

白居易二首

劉禹錫三首

朱放一首

顧況一首

王建六首

張繼一首

塞孤一首

樂府

薛濤一首

貫休一首

萬首唐人絕句目錄

右唐人絕句乃內相洪公手自采擇暨守會稽嘗以此刊之郡齋後三十年格獲繼往躅暇日取是書伏而玩之則歲月暨久固已湯謬蠹闕多矣因命工修補以永其傳嘉定辛亥孟秋下浣新安吳格謹識

唐人絕句詩凡一百一卷半刻會稽半刻鄱陽嘉定癸未新安汪綱守越遂搨鄱陽本併

刻之使合而為一既畢工姑識其末是歲二月既望書于鎮越堂

萬首唐絕句詩自宋刻迄今又多湯謬蠹闕矣都憲陳公俾愚領校刊之任愚雖三年勞于茲亦烏能免譌舛之非乎玆維昔始之以淳熙康子而今繼之以嘉靖康子數之偶然有可識焉耳辛丑人日姑蘇門生陳敬學書



萬首唐人絕句卷第一

五言一百首

長樂郡
振聲
請并志

寄高彭州

杜甫 三十一首

百年已過半秋至轉饑寒為問彭州牧何時救急難
歸鴈

東方萬里客亂定幾年歸腸斷江城鴈高高正北飛
即事

百寶裝腰帶真珠絡臂鞵笑時花近眼舞罷錦纏頭
絕句十二首

江邊踏青罷回首見旌旗風起春城暮高樓鼓角悲

遲日江山麗春風花草香
 泥融飛燕子沙暖睡鴛鴦
 江碧鳥逾白山青花欲燃
 今春看又過何日是歸年
 藹藹花蘂亂飛飛蜂蝶多
 幽棲身嬾動客至欲如何
 日出籬東水雲生舍北泥
 竹高鳴翡翠沙僻舞鷓鴣
 雞鑿井交椽葉開渠斷竹
 根扁舟輕裊纜小逕曲通
 村急雨捎溪足斜暉轉樹
 腰隔巢黃鳥並翻藻白魚
 跳舍下筍穿壁庭中藤刺
 簷地晴絲冉冉江白草纖
 纖江動月移石溪虛雲傍
 花鳥棲知故道帆過宿誰
 家聞道巴山裏春船正好
 行都將百年興一望九江
 城水檻溫江口茅堂石笋
 西移船先主廟洗藥浣沙
 溪

漫道春來好狂風大放顛
 吹花隨水去翻却釣魚船

王錄事許修草堂貲不到聊小詰

為嗔王錄事不寄草堂貲
 昨屬愁春雨能忘欲漏時

荅鄭十七郎

雨後過畦潤花殘步履遲
 把文驚小陸好客見當時

復愁十二首

人煙生處僻虎跡過新蹄
 野鶻翻窺草村船逆上溪
 釣艇收緡盡昏鴉接翅稀
 月生初學扇雲細不成衣
 萬國尚防寇故園今若何
 昔歸相識少早已戰場多
 身覺省郎在家須農事歸
 年深荒草徑老恐失柴扉

唐詩卷一
金絲縷箭鏃皂尾製旗竿一自風塵起猶嗟行路難
胡虜何曾盛干戈不肯休閭閻聽小子談話覓封侯
正觀銅牙弩開元錦獸張花門小箭好此物棄沙場
今日翔麟馬先宜駕鼓車無勞問河北諸將覺榮華
任轉江淮粟休添苑圃兵由來貔虎士不滿鳳凰城
江上亦秋色火雲終不移巫山猶錦樹南國且黃鸝
每恨陶彭澤無錢對菊花如今九日至自覺酒須賒
病減詩仍拙吟多意有餘莫看江揔老猶被賞時魚

武侯廟

遺廟丹青落空山草木長猶聞辭後主不復臥南陽

八陣圖

功蓋三分國名成八陣圖江流石不轉遺恨失吞吳

相逢行

李白 六十九首

相逢紅塵內高揖黃金鞭萬戶垂楊裏君家阿那邊
塞上曲三首

大漢無中策匈奴犯渭橋五原秋草綠胡馬一何驕
命將征西極橫行陰山側燕支落漢家婦女無花色
轉戰渡黃河休兵樂事多蕭條清萬里瀚海寂無波
玉階怨

玉階生白露夜久侵羅襪却下水精簾
三

襄陽曲四首

襄陽行樂處歌舞白銅鞮江城回綠水花月使人迷
山公醉酒時酩酊襄陽下頭上白接羅倒着還騎馬
峴山臨漢江水綠沙如雪上有墮淚碑青苔久磨滅
且醉習家池莫看墮淚碑山公欲上馬笑殺襄陽兒
洛陽陌

白玉誰家郎回車渡天津看花東陌上驚動洛陽人

靜夜思

牀前看月光疑是地上霜舉頭望山月低頭思故鄉
綠水曲

綠水明秋月南湖采白蘋荷花嬌欲語愁殺蕩舟人

重憶賀監

欲向江東去定將誰舉杯稽山無賀老却棹酒船回

題情深樹寄象公

腸斷枝上猿淚添山下樽白雲見我去亦爲我飛翻
送姪良攜二妓赴會稽戲有此贈

攜妓東山去春光半道催遙看二桃李雙入鏡中開

送殷淑

痛飲龍筇下燈青月復寒醉歌驚白鷺半夜起沙灘

送陸判官往琵琶峽

水國秋風夜殊非遠別時長安如夢裏何日是歸期
留別金陵諸公

食出野田美酒臨遠水傾東流若未盡應見別離情
別東林寺僧

東林送客處月出白猿啼笑別廬山遠何煩過虎谿
奔亡道中三首

蘇武天山上田橫海島邊萬重關塞斷何日是歸年
亭伯去安在李陵降未歸愁容變海色短服改胡衣
談笑三軍却交游七貴踈仍留一隻箭未射魯連書

田園言懷

賈誼三年謫班超萬里侯何如牽白犢飲水對清流
紀南陵題五松山四首

聖達有去就潛光愚其色魚與龍同池龍去魚不測
當時板築葦豈知傳說情一朝和殷人光氣爲列星
時命或大謬仲尼將奈何鸞鳳忽覆巢麒麟不來過
龜山蔽魯國有斧且無柯歸來歸去來宵濟越洪波
初出金門尋王侍御不遇詠壁上鸚鵡

落羽辭金闕孤鳴託繡衣能言終見棄還向隴西飛
醉題王漢陽廳

我似鷓鴣鳥南遷懶北飛時尋漢陽令取醉月中歸

秋浦歌十二首

秋浦錦駝鳥人間天上稀山雞羞涿水不敢照毛衣
秋浦多白猿超騰若飛雪牽引條上兒飲弄水中月
愁作秋浦客強看秋浦花山川如剡縣風日似長沙
醉上山公馬寒歌罷戚牛空吟白石爛淚滿黑貂裘
秋浦千重嶺水車嶺最奇天傾欲墮石水拂寄生枝
江祖一片石青天掃畫屏題詩留萬古綠字錦苔生
邏人橫鳥道江祖出魚梁水急舟行疾山花拂面香
水如一疋練此地卽平天耐可乘明月看花上酒船
爐火照天地紅星亂紫煙赦郎明月夜歌曲動寒川

白髮三千丈綠愁似箇長不知明鏡裏何處得秋霜
秋浦田舍翁採魚水中宿妻子張白鷗結罟映深竹
桃波一步地了了語聲聞闕與山僧別低頭禮白雲

九日龍山飲

九日龍山飲黃花笑逐臣醉看風落帽舞愛月留人
銅官山醉後絕句

我愛銅官樂千年未擬還要須回舞袖拂盡五松山
陪侍郎叔遊洞庭醉後三首

今日竹林宴我家賢侍郎三杯容小阮醉後發清狂
船上齊橈樂湖心泛月歸白鷗閒不去爭拂酒筵飛

刻却君山好平鋪湘水流巴陵無限酒醉殺洞庭秋
對雪獻從兄虞城宰

昨夜梁園雪弟寒兄不知庭前看玉樹腸斷憶連枝
哭宣城善釀紀叟

紀叟黃泉裏還應釀老春夜臺無曉日沽酒與何人
王昭君

昭君拂玉鞍上馬啼紅頰今日漢宮人明朝胡地妾
杜陵

南登杜陵上北望五陵間秋水明落日流光滅遠山
觀放白鷹

八月邊風高胡鷹白錦毛孤飛一片雪百里見秋毫
白鷺鷥

白鷺下秋水孤飛如墜霜心間且未去獨立沙洲傍
獨坐敬亭山

衆鳥高飛盡孤雲去獨閒相看兩不厭只有敬亭山
陪從祖濟南太守泛鶴山湖三首

初謂鶴山近寧知湖水遙此行殊訪戴自可緩歸橈
湖闊數千里湖光搖碧山湖西正有月獨送李膺還
水入北湖去舟從南浦回遙看鵲山轉却似送人來
青溪半夜聞笛

唐詩卷一
七
菴笛梅花引吳溪隴水清寒山秋浦月腸斷玉關情
夏日山中

懶搖白羽扇裸袒青林中脫巾挂石壁露頂灑松風
流夜郎題葵葉

慚君能衛足歎我遠移根白日如分照還歸守故園
巴女詞

巴水急如箭巴船去若飛十月三千里郎行幾歲歸
越女詞五首

長干吳兒女眉目艷星月屐上足如霜不著鴟頭襪
吳兒多白皙好爲蕩舟劇賣眼擲春心折花調行客

耶溪採蓮女見客棹歌回笑入荷花去佯羞不出來
東陽素足女會稽素舸郎相看月未墮白地斷肝腸
鏡湖水如月耶溪女如雪新粧蕩新波光景兩竒絕
怨情

美人卷珠簾深坐嚙蛾眉但見淚痕濕不知心恨誰
浣紗石上女

玉面耶溪女青蛾紅粉粧一雙金齒屐兩足白如霜
見韋參軍量移東陽

潮水還歸海流人却到吳相逢問愁苦淚盡日南珠

萬首唐人絕句卷第一

萬首唐人絕句卷第二

五言一百首

莎柵聯句

韓愈二十六首

冰溪時咽絕風櫪方軒舉此處不斷腸定知無斷處

和號州劉給事使君三堂二十一詠

新亭

湖上新亭好公來日出初水文浮枕簟瓦影蔭龜魚

流水

汨汨幾時休從春復到秋秣言池未滿池滿強交流

竹洞

唐絕句卷三
竹洞何年有公初斫竹開洞門無鎖鑰俗客不曾來
月臺

南館城陰闊東湖水氣多直須臺上看始奈月明何
渚亭

自有人知處那無步迹蹤莫教安四壁面面看芙蓉
竹溪

藹藹溪流漫稍稍岸篔簹長穿沙碧斡淨落水紫苞香
北湖

聞說遊湖棹尋常到此一回應留醒心處準擬醉時來
花島

蜂蝶去紛紛香風隔岸聞欲知花島處水上覓紅雲
柳溪

柳樹誰人種行行夾岸高莫將條繫纜著處有蟬號
西山

新月迎宵掛晴雲到晚留爲遮西望眼終是懶迴頭
竹逕

無塵從不掃有鳥莫令彈若要添風月應除數百竿
荷池

風雨秋池上高荷蓋水繁未諳鳴撼撼那似卷翻翻
稻畦

卦布畦堪數枝分水莫尋魚肥知已秀鶴沒覺初深

柳巷

柳巷還飛絮春餘幾許時吏人休報事公作送春詩

花源

源上花初發公應日日來丁寧紅與紫切勿一時開

北樓

郡樓乘曉上盡日不能回晚色將秋至長風送月來

鏡潭

非鑄復非鎔泓澄忽此逢魚鰕不用避祗是照蛟龍

孤嶼

朝遊孤嶼南暮戲孤嶼北所以孤嶼鳥與公盡相識

方橋

非閣復非船可居兼可過君欲問方橋方橋如此作

梯橋

乍似上青冥初疑躡菡萏自無飛仙骨欲度何由敢

月池

寒池月下明新月池邊曲若不妬清妍却成相映燭

把酒

擾擾馳名者誰能一日閑我來無伴侶把酒對南山

嘲少年

直把春償酒都將命乞花祇知閑信馬不覺誤隨車
酬馬侍郎寄酒

一壺情所寄四句意能多秋到無詩酒其如月色何
次峽石

數日方離雪今朝又出山試憑高處望隱約見潼關
入黃溪聞猿
柳宗元 十首

溪路千里曲哀猿何處鳴孤臣淚已盡虛作斷腸聲
江雪

千山鳥飛絕萬徑人蹤滅孤舟蓑笠翁獨釣寒江雪
春懷故園

九鴈鳴已晚楚鄉農事春悠悠故池水空待灌園人
再上湘江

好在湘江水今朝又上來不知從此去更遣幾年回
長沙驛

海鶴一爲別存亡三十秋今來數行淚獨上驛南樓
桂州北望

幽徑爲誰開美人城北來王程倘餘暇一上子陵臺
登柳州峨山

荒山秋日午獨上意悠悠如何望鄉處西北是融州
三贈劉員外

信書成自誤經事漸知非今日臨岐別何年待汝歸
荅

年方伯五早恨比四愁多會待休車騎相隨出尉羅
零陵早春

問春從此去幾日到秦原憑寄還鄉夢殷勤入故園
寓興二首

劉禹錫 五十二首

常談即至理安事非常情寄語何平叔無爲輕老生
世途多禮數鵬鷄各逍遙何事陶彭澤拋官爲折腰
古調

軒后初冠冕前旒爲蔽明安知從復道然後見人情

經檀道濟故壘

萬里長城壞荒營野草秋秣陵多士女猶唱白符鳩

君山懷古

屬車八十一此地阻長風千載威靈盡赭山寒水中

敬酬微公見寄二首

淒涼沃洲僧顛顛柴桑宰別來二十年唯餘兩心在
越江千里鏡越嶺四時雪中有道道人夜深觀水月

戲和呂八郡內書懷

文苑振金聲循良冠百城不知今艾氏何處列君名

詠史二首

唐詩卷三
五
驃騎非無勢少卿終不去世道劇頽波我心如砥柱
賈生明王道衛綰工車戲同遇漢文時何人居貴位

庭竹

露滌鉛粉節風搖青玉枝依依似君子無地不相宜

甘棠館二首

公館似仙家池清竹徑斜山禽忽驚起衝落半山花
門前洛陽道門裏桃源路塵土與煙霞其間十餘步
飲酒看牡丹

今日花前飲甘心醉數杯但愁花有語不爲老人開

紀南歌

風煙紀南城塵土荆南路天寒多獵騎走上樊姬墓

荆州歌二首

渚宮楊柳暗麥城朝雉飛可憐踏青伴乘暖著輕衣
今日好南風商旅相催發沙頭檣竿上始見春江闊
視刀環歌

常恨言語淺不如人意深今朝兩相視脉脉萬重心
三閣詞四首

貴人三閣上日晏未梳頭不應有恨事嬌甚却成愁
珠箔曲瓊鉤子細見揚州北兵那得度浪語判悠悠
沉香帖閣柱金縷畫門楣回首降幡下已見黍離離

驃騎非無勢少卿終不去世道劇頽波我心如砥柱
賈生明王道衛綰工車戲同遇漢文時何人居貴位

庭竹

露條鉛粉節風搖青玉枝依依似君子無地不相宜

甘棠館二首

公館似仙家池清竹徑斜山禽忽驚起衝落半山花
門前洛陽道門裏桃源路塵土與煙霞其間十餘步
飲酒看牡丹

今日花前飲甘心醉數杯但愁花有語不爲老人開

紀南歌

風煙紀南城塵土荆南路天寒多獵騎走上樊姬墓

荊州歌二首

渚宮楊柳暗麥城朝雉飛可憐踏青伴乘暖著輕衣
今日好南風商旅相催發沙頭檣竿上始見春江闊

視刀環歌

常恨言語淺不如人意深今朝兩相視脉脉萬重心

三閣詞四首

貴人三閣上日晏未梳頭不應有恨事嬌甚却成愁
珠箔曲瓊鉤子細見揚州北兵那得度浪語判悠悠
沉香帖閣柱金縷畫門楣回首降幡下已見黍離離

三人出胥井一身登檻車朱門漫臨水不可見鱸魚
淮陰行五首

簇簇淮陰市竹樓綠岸上好日起檣竿鳥飛驚五兩
今日轉船頭金烏指西北煙波與春草千里同一色
船頭大銅鑼摩挲光陳陳早早使風來沙頭一眼認
何物令儂羨羨郎船尾燕銜泥趁檣竿宿食長相見
隔浦望行船頭昂尾憶憶無奈脫菜時清淮春浪軟
渾侍中宅牡丹

徑尺千餘朵人間有此花今朝見顏色更不向諸家

秋風引

何處秋風至蕭蕭送鴈羣朝來入庭樹孤客最先聞
柳花詞三首

開從綠條上散逐香風遠故取花落時悠揚占春晚
輕飛不假風輕落不委地撩亂舞晴空發人無限思
晴大黯黯雪來送青春暮無意似多情千家萬家去

路傍曲

南山宿雨晴春入鳳凰城處處聞絃管無非送酒聲
紇那曲詞二首

楊柳鬱青青竹枝無限情周郎一回顧聽唱紇那聲
踏曲與無窮調同詞不同願郎千萬壽長作主人翁

三人出睂井一身登檻車朱門漫臨水不可見鱸魚
淮陰行五首

簇簇淮陰市竹樓綠岸上好日起檣竿鳥飛驚五兩
今日轉船頭金烏指西北煙波與春草千里同一色
船頭大銅鑼摩挲光陳陳早早使風來沙頭一眼認
何物令儂羨羨郎船尾燕銜泥趁檣竿宿食長相見
隔浦望行船頭昂尾憶憶無奈脫菜時清淮春浪軟
渾侍中宅牡丹

徑尺千餘朵人間有此花今朝見顏色更不向諸家
秋風引

何處秋風至蕭蕭送鴈羣朝來入庭樹孤客最先聞
柳花詞三首

開從綠條上散逐香風遠故取花落時悠揚占春晚
輕飛不假風輕落不委地撩亂舞晴空發人無限思
晴大黯黯雪來送青春暮無意似多情千家萬家去
路傍曲

南山宿雨晴春入鳳凰城處處聞絃管無非送酒聲
紇那曲詞二首

楊柳鬱青青竹枝無限情周郎一回顧聽唱紇那聲
踏曲與無窮調同詞不同願郎千萬壽長作主人翁

傷段右丞

江海多豪氣朝廷有首聲何言馬蹄下一旦是佳城
傷獨孤舍人

傷龐京地

昔別一年少今悲喪國華遠來同社燕不見早梅花
京地歸何處章臺空暮塵可憐鸞鏡下哭殺畫眉人
鄂渚留別李表臣

高檣起行色促柱動離聲欲問江深淺應如遠別情
荅表臣贈別二首

昔爲瑤池侶飛舞集蓬萊今作江漢別風雪一裴回

嘶馬立未還行舟路將轉江頭暝色深揮袖依稀見

始發鄂渚寄表臣二首

祖帳管絃絕客帆西風生回車已不見猶聽馬嘶聲
曉發柳林戍遙城聞五鼓憶與故人眠此時猶晤語
出鄂州界懷表臣二首

離席一揮杯別愁今尚醉遲遲有情處却恨江帆駛
夢覺疑連榻舟行忽千里不見黃鶴樓寒沙雪相似
和游房公舊竹亭聞琴

尚有竹間路永無綦下塵一聞流水曲重憶餐霞人
和西川李出書知與元武昌有舊遠示二

篇來詩云元公令陳從事求蜀琴將以為安而計聞因陳生會葬

如何贈琴日已是絕妙時無復雙金報空餘掛劍悲
寶匣從此閉朱絃誰省以調祗應隨玉樹同向土中銷

別蘇州二首

三載為吳郡臨岐祖帳開雖非謝桀黠且為一裴回
流水閭門外秋風吹柳條從來送客去今日自魂銷

罷和州游建康

秋水清無力寒山暮多思官閑不計程徧上南朝寺
九日登高

世路山河險君門煙雨深年年上高處夫省不傷心

歸信吟

孟郊十二首

淚墨灑為書將寄萬里親書去魂亦去兀然空一身

古怨

試妾與君淚兩處滴池水看取芙蓉花今年為誰死

閨怨

妾恨比玳竹下盤煩冤根有笋未出土中已含淚痕

古意

河邊織女星河畔牽牛郎未得渡清淺相對遙相望

樂府

蓮子不可得荷花生水中猶勝道傍柳無事蕩春風

一夕九起嗟夢短不到家兩度長安陌空將淚見花

渭上思歸

獨訪千里信迥臨千里河家在吳楚鄉淚寄東南波

朔方邀花伴

邊地春不足十里見一花及時須遨遊日暮饒風沙

看花

獨遊終難醉挈榼徒經過閑花不解語勸得酒無多

過彭澤

揚帆過彭澤舟人訝歎息不見種柳人霜風空寂歷

旅行

楚水結冰薄楚雲爲雪微野梅參差發旅榜逍遙歸

送柳淳

青山臨黃河下有長安道世上名利人相逢不知老

萬首唐人絕句卷第二

萬首唐人絕句卷第三

五言一百首

禁中

白居易

門嚴九重靜窓幽一室閑好是脩心處何必在深山

村雪夜坐

南窓背燈坐風霰暗紛紛寂寞深村夜殘鴈雪中聞

友人夜訪

簷間清風簾松下明月杯幽意正如此況乃故人來

北亭獨宿

悄悄壁下牀紗籠耿殘燭夜半獨眠覺疑在僧房宿

晚望

江城寒角動沙洲夕鳥還獨在高亭上西南望遠山

招東鄰

小榼二升酒新簾六尺牀能來夜話否池畔欲秋涼

山下宿

獨到山下宿靜向月中行何處水邊碓夜春雲母聲

池畔二首

結構池西廊疏理池東樹此意人不知欲爲待月處
持刀閒密竹竹少風來多此意人不會欲令池有波

禁中秋宿

風翻來裏幙雨冷通中枕耿耿背斜燈秋牀一人寢

出關路

山川函谷路塵土游子顏蕭條去國意秋風生故關

照鏡

皎皎青銅鏡斑斑白絲鬢豈復更藏年實年君不信

夜雨

早蛩啼復歇殘燈滅又明隔窓知夜雨芭蕉先有聲

秋夕

葉聲落如雨月色白似霜夜深方獨卧誰爲拂塵牀

微雨夜行

漠漠秋雲起稍稍夜寒生自覺衣裳濕無點亦無聲
江樓聞砧

江人授衣晚十月始聞砧一夕高樓月萬里故園心
宿東林寺

經窓燈焰短僧爐火氣深索落廬山夜風雪宿東林
夜雪

已訝衾枕冷復見窓戶明夜深知雪重時聞折竹聲
忠州郡中

鄉路音信斷山城日月遲欲知州近遠階前摘荔枝
盤屋縣北樓望山

一爲趨走吏塵土不開顏辜負平生眼今朝始見山
別韋蘇州

百年愁裏過萬感醉中來惆悵城西別愁眉兩不開
長安送柳大東歸

白社羈遊伴青門遠別離浮名相引住歸路不同歸
除夜宿洛州

家寄關西住身爲河北遊蕭條歲除夜旅泊在洛州
冬至夜懷湘靈

豔質無由見寒念公不可親何堪最長夜俱作獨眠人
涼夜有懷

清風吹枕席白露沾衣裳好是相親夜漏遲天氣涼
病中作
年十八

久爲勞生事不與攝生道少年已多病此身豈堪老
問淮水

自嗟名利客擾攘在人間何事長淮水東流亦不閑
宿樟亭驛

夜半樟亭驛愁人起望鄉月明何所見潮水白茫茫
翰林中送獨孤起居出院

碧落留雲住青冥放鶴還銀臺向南路從此到人間
感髮落

昔日愁頭白誰知米白衰眼前應落落盡無可變成絲
禁中聞蜚

悄悄禁門閉夜深無月明西窓獨聞坐滿耳新蜚聲
秋蟲

切切閨窓下嚶嚶深草裏秋天思婦心雨夜愁人耳
憶元九

眇眇江陵道相思遠不知近來文卷裏半是憶君詩
晝臥

抱枕無言語空房獨悄然誰知盡日臥非病亦非眠
有感

絕絃與斷絲猶有却續時唯有衷腸斷無應續得期
荅友問

似玉童顏盡如霜病鬢新莫驚身頓老心更老於身
村居

門閉仍逢雪厨寒未起煙貧家重寒落半爲日高眠
早春

雪散因和氣冰開得暖光春銷不得處唯有鬢邊霜
重寄元九

蕭散弓驚鴈分飛劍化龍悠悠天地內不死會相逢
紅藤杖

交親過澹別車馬到江回唯有紅藤杖相隨萬里來

雨中題衰柳

濕屈青條折寒飄黃葉多不知秋雨意更遣欲如何
庾樓新歲

歲時銷旅貌風景觸鄉愁牢落江湖意新年上庾樓

遺愛寺

弄石臨溪坐尋花遶寺行時時聞鳥語處處是泉聲
自悲

火宅煎熬地霜松摧折身因知羣動內易死不過人
問劉十九

綠螳新醅酒紅泥小火爐晚來天欲雪能飲一杯無
醉中對紅葉

臨風杪秋樹對酒長年人醉貌如霜葉雖紅不是春
山中戲問韋侍御

我抱棲雲志君懷濟世才常吟反招隱那得入山來
龍昌寺荷池

冷碧新秋水殘紅半破蓮從來寥落意不似此池邊
商山路有感

萬里路長在六年身始歸所經多舊館太半主人非
太平樂詞二首

歲豐仍節儉時泰更銷兵聖念長如此何憂不泰平
湛露浮堯酒薰風起舜歌願同堯舜意所樂在人和
小曲新詞二首

霽色鮮宮殿秋聲脆管絃聖明千載樂歲歲似今年
紅裾明月夜碧簾早秋時好向昭陽宿天涼玉漏遲
閨怨詞三首

朝憎鶯百轉夜妬燕雙棲不慣經春別唯知到曉啼
珠箔籠寒月紗窓背曉燈夜來巾上淚一半是春冰
關山征戍遠閨閣別離難苦戰旌樵悴寒衣不要寬
南浦別

南浦淒淒別西風嫋嫋秋一看曠物一斷好去莫回頭
吟元郎中白鬢詩兼飲雪水茶

冷詠霜毛句閑嘗雪水茶城中展眉處只是有元家
寄王祕書

霜菊花萎日風梧葉碎時怪來秋思苦綠詠祕書詩
勤政樓西老柳

半朽臨風樹多情立馬人開元一株柳長慶二年春
柳條詞送別

南陌傷心別東風滿把春莫欺楊柳弱勸酒勝於人
怨詞

奪寵心那慣尋思倚殿門不知移舊愛何處作新恩
不睡

焰短寒釭盡聲長曉漏遲年衰自不睡不是守三尸
宿陽城驛對月

親故尋回駕妻孥未出關鳳凰池上月送我過商山
山泉煎茶

坐酌泠泠水看煎瑟瑟塵無由持一盃寄與愛茶人
吉祥寺見錢侍郎題名

雲雨三年別風波萬里行秋心正蕭索況見故人名
城上

城上鼕鼕鼓朝衙復晚衙爲君慵不出落盡遶城花
湖上夜飲

郭外迎人月湖邊醒酒風誰留使君飲紅燭在舟中
見李蘇州示男阿武詩自感成詠

遙羨青雲裏祥鸞正引雛自憐滄海畔老蚌不生珠
題故元少尹集後

黃壤詎知我白頭徒憶君唯將老年淚一灑故人文
九日代羅樊二妓招舒著作

羅敷歛雙袂樊姬獻一杯不見舒員外秋菊爲誰開
遠師

東宮白庶子南寺遠禪師何處遙相見心無一事時
問遠師

葷羶停夜食吟詠散秋懷笑問東林老詩應不破齋
池西亭

朱欄映晚樹金魄落秋池還似錢塘夜西樓月出時
訪皇甫七

上馬行數里逢花傾一杯更無停泊處還是覓君來
塗山寺獨遊

野徑行無伴僧房宿有期塗山來去熟唯是馬蹄知
逢舊

又別偶相逢俱疑是夢中即今歡樂事放盞又成空
恨詞

翠黛眉低歛紅珠淚暗銷從來恨人意不省似今朝
池窓

池晚蓮芳謝窓秋竹意深更無人作伴唯對一張琴
題周家歌者

清緊如敲玉深圓似轉簧一聲腸一斷能有幾多腸
蕭庶子相過

半日停車馬何人在白家殷勤蕭庶子愛酒不嫌茶
酬裴相公見寄二絕

習靜心方泰勞生事漸希可憐安穩地捨此欲何歸
一雙垂翅鶴數首解嘲文總是迂閑物爭堪伴相君
恨去年

老去猶耽酒春來不着家去年來校晚不見洛陽花
歎槿花

朝榮殊可惜暮落實堪嗟若向花中比猶應勝眼花
七年元日對酒五首

慶弔經過懶逢迎拜跪遲不因時節日豈覺此身衰
衆老憂添歲余衰喜入春年開第七秩屈指幾多人
三杯藍尾酒一榼膠牙錫除却崔常侍無人共我爭

唐詩卷三
九
今朝吳與洛相憶一欣然夢得知君否俱過本命年
同歲崔何在同年杜又無應無藏避處只有且歡娛
微之敦詩晦叔相次長逝歸然自傷因成

二絕

併失鸚鵡侶空留麋鹿身只應嵩洛下長作獨遊人
長夜君先去殘年我幾何秋風滿衫淚泉下故人多
嘗新酒憶晦叔二首

樽裏看無色杯中動有光自君拋我去此物共誰嘗
世上強欺弱人間醉勝醒自君拋我去此語更誰聽
寄李相公

漸老只謀歡雖貧不要官唯求造化力試爲駐春看
池上二絕

山僧對棋坐局上竹陰清映竹無人見時聞下子聲
小娃撐小艇偷采白蓮回不解藏蹤跡浮萍一道開
憑李睦州訪徐凝山人

郡守輕詩客鄉人薄釣翁解憐徐處士唯有李郎中
贈結之

歡愛今何在悲啼亦是空同爲一夜夢共過十年中

琴

置琴曲机上慵坐但含情何煩故揮弄風絃自有聲

萬首唐人絕句卷第三

萬首唐人絕句卷第四

五言一百首

題李道士所居

岑參十一首

五粒松花酒雙溪道士家
唯求縮脚地鄉路莫教賒
見渭水思秦川

渭水東流去何時到雍州
憑添兩行淚寄向故園流
憶長安曲

東望望長安正值日初出
長安不可見喜見長安日
滅胡曲

都護新滅胡士馬氣亦
麤蕭條虜塵淨突兀天山孤

題汾橋邊柳

曾居此郡十八年

此地曾居住今來宛似歸
可憐汾上柳相見也依依

題三會寺倉頡造字臺

野寺荒臺晚寒天古木悲空階
有鳥跡猶似造書時

九日思長安故園

登高去無人送酒來遙憐故園菊
應傍戰場開

歎白髮

白髮生偏速教人不奈何今朝兩鬢上
又較數莖多

經隴頭分水

隴水何年有潺潺逼路傍東西流不歇
曾斷幾人腸

醉裏送人赴西鎮

醉後未能別待醒方送君看君走馬去
直入火山雲

題城中高居

居住最高處千家常眼前題詩飲酒後
只對衆峰眠

戲題關門

來亦一布衣去亦一布衣羞見關城吏
還從舊路歸

苔藓憶終南山 王維 四十八首

森森寒流廣蒼蒼秋雨晦君問終南山
心知白雲外

聞裴迪今詩戲贈

猿吟一何苦愁朝復悲夕莫作巫峽聲
腸斷秋江客

贈韋穆

與君青眼客共有白雲心不向東山去自令春草深
雲溪雜題五首 鳥鳴澗

人閑桂花落夜靜春山空月出驚山鳥時鳴春澗中
蓮花塢

日日采蓮去洲長多暮歸弄篙莫濺水畏濕紅蓮衣

鷓鴣堰

乍向紅蓮沒復出青蒲颺獨立何擁從銜魚古查上
上平田

朝耕上平田暮耕上平田借問問津者寧知沮溺賢

萍池

春池深且廣會待輕舟回靡靡綠萍合垂楊掃復開

輞川二十首 孟城坳

新家孟城口古木餘衰柳來者復爲誰空悲昔人有

華子岡

飛鳥去不窮連山復秋色上下華子岡惆悵情何極

文杏館

文杏裁爲梁香茅結爲宇不知棟裏雲去作人間雨

斤竹嶺

檀欒映空曲青翠漾漣漪暗入商山路樵人不可知

鹿柴

空山不見人，但聞人語響。
反景入深林，復照青苔上。

木蘭柴

秋山斂餘照，飛鳥逐前侶。
彩翠時分明，夕嵐無處所。

茱萸泝

結實紅且綠，復如花更開。
山中倘留客，置此茱萸杯。

宮槐陌

仄徑蔭宮槐，幽陰多綠苔。
麴門但迎掃，畏有山僧來。

臨湖亭

輕舸迎仙客，悠悠湖上來。
當軒對尊酒，四面芙蓉開。

南垞

輕舟南垞去，北垞殊難即。
隔浦望人家，迢迢不相識。

歛湖

吹蕭凌極浦，日暮送夫君。
湖上一回首，青山卷白雲。

柳浪

分行接綺樹，倒影入清漪。
不學御溝上，春風傷別離。

樂家瀨

颯颯秋雨中，淺淺石榴瀉。
跳波自相濺，白鷺驚復下。

金屑泉

日飲金屑泉，少當千餘歲。
翠鳳翔文螭，羽節朝玉帝。

白石灘

清淺白石灘綠蒲向堪把家住水東西浣沙明月下

北垞

北垞湖水北雜樹映朱欄逶迤南川水明滅青林端

竹里館

獨坐幽篁裏彈琴復長嘯深林人不知明月來相照

辛夷塢

木末芙蓉花山中發紅萼澗戶寂無人紛紛開且落

漆園

古人非傲吏自闕經世務偶寄一微官婆娑數株樹

椒園

桂樽迎帝子杜若贈佳人椒漿奠瑤席欲下雲中君

送黎拾遺

相送臨高臺川原杳何極日暮飛鳥還行人去不息

山中送別

山中相送罷日暮掩柴扉春草明年綠王孫歸不歸

別輞川別業

依遲動車馬惆悵出松蘿忍別青山去其如綠水何

山中寄弟妹

山中多法侶禪誦自爲羣城郭遙相望唯應見白雲

別崔九弟

城隅一分手，幾日還相見。
山中有桂花，莫待花如霰。
留別崔興宗

思夫人

駐馬欲分襟，清寒御溝上。
前山景氣佳，獨往還惆悵。
莫以今時寵，難忘舊日恩。
看花滿眼淚，不共楚王言。
班婕妤三首

玉窓螢影度，金殿人聲絕。
秋夜守羅帷，孤燈耿不滅。
宮殿生秋草，君王恩幸疎。
那堪聞鳳吹，門外度金輿。
怪來粧閣閉，朝下不相迎。
總向春園裏，花間語笑聲。

紅牡丹

綠豔閒且靜，紅衣淺復深。
花心愁欲斷，春色豈知心。

左掖梨花詠

閒灑階邊草，輕隨箔外風。
黃鸝弄不足，銜入未央宮。
相思

山茱萸

紅杏生南國，秋來發故枝。
勸君休采擷，此物最相思。
朱實山下開，清香寒更發。
幸與叢桂花，窓前向秋月。
菩提寺禁示裴迪

安得捨塵網，拂衣辭世喧。
悠悠策藜杖，歸去桃花源。

雜詠三首

家住孟津河門對孟津口常有江南船寄書家中否
君自故鄉來應知故鄉事來日綺窓前寒梅着花未
已見寒梅發復聞啼鳥聲心心視春草畏向階前生

崔興宗寫真詠

畫君年少時如今君已老今時新識人知君舊時好

哭孟襄陽

故人不可見漢水日東流借問襄陽老江山空蔡州
輞川遇雨憶終南山 裴迪 二十二首

積雨晦空曲平沙滅浮采輞水去悠悠南山復何在

賦輞川孟城坳

結廬古城下時登古城上古城非疇昔今人自來往

華子岡

落日松風起還家草露晞雲光侵履跡山翠拂人衣

文杏館

迢迢文杏館躋攀日已屢南嶺與北湖前看復回顧

斤竹嶺

明流紆且直綠篠密復深一徑通山路行歌望舊岑

鹿柴

日夕見寒山便爲獨往客不知深林事但有麋鹿迹

木蘭柴

蒼蒼落日時鳥聲亂溪水綠溪路轉深幽興何時已
茱萸泝

宮陌亭

飄香亂椒桂布葉間檀欒雲日雖回照森沉猶自寒
門前宮槐陌是向歌湖道秋來山雨多落葉無人掃
臨湖亭

南垞

當軒彌滉漾孤月正徘徊谷口猿聲發風傳入戶來
孤舟信風泊南垞湖水岸落日下崦嵫清波殊淼漫

歌湖

空闊湖水廣青熒天色同艤舟一長嘯四面來清風
柳浪

樂家瀨

映池同一色逐吹散如絲結陰旣得地何謝陶家時
瀨聲喧極浦公涉向南津汎汎鳧鷖度時時欲近人
金屑泉

白石灘

縈渟澹不流金碧如可拾迎晨含素華獨往事朝汲
跂石復臨水弄波情未極日下川上寒浮雲澹無色

北垞

南山北垞下結宇臨歌湖每欲採樵去扁舟出菰蒲

竹里館

來過竹里館日與道相親出入唯山鳥幽深無世人

辛夷塢

綠堤春草合王孫自留翫況有辛夷花色與芙蓉亂

漆園

好閒早成性果此皆宿諾今日漆園游還同莊叟樂

椒園

丹刺罥人衣芳香留過客幸堪調鼎用願君垂採摘

送崔九

歸然深淺去須盡丘壑美莫學武陵人暫游桃源裏

楊子津

孟浩然 十四首

北固臨京口夷山近海濱江風白浪起愁殺渡頭人

北澗浮舟

北澗流常滿浮舟觸處通公洄自有趣何必五湖中

春曉

春眠不覺曉處處聞啼鳥夜來風雨聲花落知多少

問舟子

向夕問舟子前程復幾多灣頭正堪泊淮裏足風波

檀溪尋故人

花半成龍竹池分躍馬溪田園人不見疑向洞中棲

贈王九

日暮田家遠山中勿又淹歸人須早去稚子望陶潛
洛中訪索拾遺不遇

洛陽訪才子江嶺作流人聞說梅花早何如北地春
尋菊花潭主人

行至菊花潭村西日已斜主人登高去雞犬空在家
荆門看燈

異俗非鄉俗新年改故年荆門看火樹疑是燭龍然

宿建德江

移舟泊煙渚日暮客愁新野曠天低樹江清月近人

戲主人

客醉眠未起主人呼解醒已言難黍熟復說瓮頭清
洛陽道中

珠彈繁華子金羈游俠人酒酣白日暮走馬入紅塵
送朱大入秦

遊人五陵去寶劍直千金分手脫相贈平生一片心
送友人之京

君登青雲去予望青山歸雲山從此別淚濕薜蘿衣

秋鴈

虞世南 三首

日暮霜風急羽翮轉難任爲有傳書意聯翩入上林

初晴應教

初日明燕館新溜滿梁池歸雲半入嶺殘滴尚懸枝

春夜

春花月徘徊竹堂侵夜開驚鳥排林度風花入水來

風

李嶠 一首

解落三秋葉能開二月花過江千尺浪入竹萬竿斜

萬首唐人絕句卷第四

萬首唐人絕句卷第五

五言一百首

江行無題一

錢起 一百首

傾酒向漣漪乘流東去時寸心同尺璧投此報馮夷

二

江曲全縈楚雲氛半自秦峴山回首望如別故關人

三

浦煙函夜色冷日轉秋旻自有沉碑石清光不照人

四

楚岸雲空合楚城人不來只今誰善舞莫恨發陽臺

行背青山郭吟當白露秋風流無屈宋空詠古荊州

六

晚來漁父喜留重欲收遲恐有長江使金錢願贖龜

七

去指龍沙路徒懸象魏心夜涼無遠夢不為偶聞砧

八

霽雲疎有葉雨浪細無花穩放扁舟去江天自有涯

九

好日當秋半層波動旅腸已行千里外誰與共秋光

十

潤色非東里官曹更建章宦游難自定來喚櫂船郎

十一

夜江清未曉徒惜月光沉不是因行樂堪傷老大心

十二

翳日多喬木維舟取束薪靜聽江叟語俱是厭兵人

十三

箭漏日初短汀煙草木衰雨餘雖更綠不是采蘋時

十四

山雨夜來漲喜魚跳滿江岸沙平欲盡垂蓼入船牕

十五

渚邊新鴈下舟上獨淒涼俱是南來客憐君綴一行

十六

牽路緣江狹沙崩岸不平盡知行處險誰肯載時輕

十七

雲密連江暗風斜著物鳴一杯真戰將笑爾作愁兵

十八

柳拂斜開路籬邊數戶村可能還有意不掩向江門

十九

不識桓公渴徒吟子美詩江清唯獨看心外更誰知

二十

憔悴異靈均非讒作逐臣如逢漁父問未是獨醒人

二十一

水涵秋色靜雲帶夕陽高詩癖非吾病何妨吮短毫

二十二

登舟非古岸還似阻西陵箕伯無多少回頭詎不能

二十三

帆翅初張處雲鵬怒翼同莫愁千里路自有到來風

二十四

悠雲久無雨江燕社猶飛却笑舟中客今年未得歸

二十五

佳節雖逢菊浮生正是萍故山何處望荒岸小長亭

二十六

行到楚江岸蒼茫人正迷祇如秦塞遠格摘鷓鴣啼

二十七

月下江流靜村荒人語稀鷺鷥雖有伴乃共影雙飛

二十八

斗轉月未落舟行夜已深有村知不遠風便數聲砧

二十九

棹驚沙鳥迅飛濺夕陽波不顧魚多處應防一目羅

三十

漸覺江天遠難逢故國書可能無往事空食鼎中魚

三十一

岸草連荒色村聲樂稔年晚晴初穫稻閑却采蓮船

三十二

灘淺爭游鷺江清易見魚怪來吟未足秋物欠紅蕖

三十三

蛩響依莎草螢飛透水煙夜涼誰詠史空泊運租船

三十四

睡穩葉舟輕風微波不驚任君蘆葦岸終夜動秋聲

三十五

自念平生意曾期一郡符豈知因謫宦斑鬢入江湖

三十六

煙渚復煙渚畫屏休畫屏引愁天末去數點暮山青

三十七

水天涼夜月不是惜清光好物隨人秘秦淮憶建康

三十八

古來多思客搖落恨江潭今日秋風至蕭疎獨沔南

三十九

映竹疑村好穿蘆覺渚幽漸安無曠土董芋當農收

四十

秋風動客心寂寂不成吟飛上危檣立啼鶯報好音

四十一

見底高秋水開懷萬里天旅吟還有伴沙柳數枝蟬

四十二

九日自佳節扁舟無一杯曹園舊尊酒戲馬憶高臺

四十三

兵火有餘燼貧村纔數家無人爭晚渡殘月下寒沙

四十四

渚禽菱芡足不向稻梁爭靜宿涼灣月應無失侶聲

四十五

輕雲未護霜樹杪橘初黃信是知名物微風過水香

四十六

渺渺望天涯清漣浸赤霞難逢星漢使烏鵲日乘查

四十七

土曠深耕少江平遠釣多生平皆棄本金革竟如何

四十八

海月非常物等閑不可尋披沙應有地淺處定無金

四十九

風晚冷颼颼蘆花已白頭舊來無葉寺堪憶玉京秋

五十

風好來無陣雲閑去有宗釣歌無遠近應喜罷艨艟

五十一

吳疆連楚甸楚俗異吳鄉漫把尊中物無人啄蟹匡

五十二

岸綠野煙遠江紅斜照微撐開小漁艇應到月明歸

五十三

雨餘江始漲漾漾見流薪曾歎河中木斯言憶古人

五十四

葉舟維夏口煙野獨行時不見頭陀寺空懷幼婦碑

五十五

晚泊武昌岸津亭踈柳風數株曾手植好事憶陶公

五十六

墜露晚猶濃秋花不易逢涉江雖已晚高樹舉芙蓉

五十七

舟航依浦定星斗滿江寒若比陰霾日何妨夜未闌

五十八

近戍離金落孤岑望火門唯將知命意瀟灑向乾坤

五十九

叢菊生堤上此花長後時有人還采掇何必在春期

六十

夕景殘霞落秋寒細雨晴短纓何用濯舟在月中行

六十一

垠壤滿江水地坳生野塘晚荷人不折留此作秋香

六十二

左宦終何路攄懷亦自寬襞牋嘲白鷺無意喻梟鸞

六十三

樓空人不歸雲自去時衣黃鶴無心下長應笑令威

六十四

白帝朝驚浪尋陽暮映雲等閑生險易世路祗如君

六十五

櫓慢開輕浪帆虛帶白雲客船雖狹小容得庾將軍

六十六

風雨正甘寢雲霓忽晚晴放歌雖自遣一歲又崢嶸

六十七

靜看秋江水風微浪漸平人間馳競處塵土自波成

六十八

風借帆方疾風回櫂却遲較量人世事不校一毫釐

六十九

咫尺愁風雨匡廬不可登祗疑雲霧窟猶有六朝僧

七十

幽思正遲遲沙邊濯弄時自憐非博物猶未識鳧葵

七十一

曾有煙波客能歌西塞山落花唯待月一釣紫菱灣

七十二

千頃水紋細一拳嵐影孤君山寒樹綠曾過洞庭湖

七十三

光潤重湖水低斜遠鴈行未曾無興詠多謝沈東陽

七十四

晚菊繞江壘忽如開古屏莫言時節過白日有餘馨

七十五

秋寒鷹隼健逐雀下雲空知是江湖濶無心擊塞鴻

七十六

日落長亭晚山門步障青可憐無酒分處處有旗亭

七十七

江草何多思冬青尚滿洲誰能驚鵬鳥作賦爲沙鷗

七十八

遠岸無行樹經霜有伴紅停船搜好句題葉贈江楓

七十九

身世比行舟無風亦暫休敢言終破浪唯願穩乘流

八十

數畝蒼苔石煙濛鶴卵洲定因詞客遇名字始風流

八十一

興閑停桂楫路好過私門不負佳山水還開酒一樽

八十二

幽懷念煙水長恨隔龍沙今日滕王閣分明見落霞

八十三

短楫休敲桂孤根自駐萍自憐非劍氣空向斗牛星

八十四

江流何渺渺懷古獨依依漁父非賢者蘆中但有機

八十五

高浪如銀屋江風一發時筆端降太白才大語終奇

八十六

細竹漁家路晴暘看結繒喜來邀客坐分與折腰菱

八十七

幸有煙波興寧辭筆硯勞緣情無怨刺却似反離騷

八十八

平湖五百里江水想通波不奈扁舟去其如決計何

八十九

數逢雲斷處去岸映高山身到韋江日應猶未得閑

九十

一灣斜照水三板順風船未敢相邀釣勞生只自憐

九十一

江雨正霏微江村晚渡稀何曾妨釣艇更待得魚歸

九十二

沙上獨行時吟情到楚詞難將垂岸蓼盈把當江蘼

九十三

新野舊樓名尋陽勝賞情照人長一色江月共淒清

九十四

願飲西江水那吟北渚愁莫教留滯跡遠比蔡昭侯

唐詩卷五
十一
九十五

湖口分江水東流獨有情當時好風物誰伴謝宣城

九十六

尋陽江畔菊應似古來秋爲問幽棲客吟時得酒不

九十七

高峰有佳號千尺倚寒風若使鑪煙在猶應爲上公

九十八

萬木已清霜江邊村事忙故溪黃稻熟一夜夢中香

九十九

楚水苦縈回征帆落又開可緣非直路却有好風來

一百

遠謫歲時晏暮江風雨寒仍愁繫舟處驚夢近長灘

萬首唐人絕句卷第五

萬首唐人絕句卷第六

五言一百首

藍溪雜詠十二首 錢起二十一首

望山臺

望山登春臺目盡趣難極晚景下平阡花際霞峰色

板橋

靜宜樵隱度遠與車馬隔有時行藥來喜遇歸山客

石井

片霞照仙井泉底桃花紅那知幽石下不與武陵通

古藤

引蔓出雲樹垂輪覆巢鶴幽人對酒時苔上閑花落
伺山徑

幾轉到青山數重度流水秦人入雲去知向桃源裏

藥圃

春畦生百藥花葉香初霽好日與光風偏來入叢蕙
石上苔

淨與溪色連幽宜松雨滴誰知古石上不染世人跡
竹間路

暗歸草堂靜半入花源去有時載酒來不與清風遇
東坡

永日興難忘掇芳春坡曲新晴花枝下愛此苔水綠

石蓮花

幽石生芙蓉百花慚美色遠笑越溪女聞芳不可識

潺湲聲

亂石跳素波寒聲來幾處颼颼風引散出空林去

松下雪

雖因朔風至不向瑤臺側唯助苦寒心松偏明後凋色

赴章陵酬李卿贈別

一官叨下秩九棘謝知音芳草文周路春愁滿別心
郎真外見尋不遇

軒騎來相訪漁樵悔晚歸更憐誰露跡花裏點墻衣
逢俠者

燕趙悲歌士相逢劇孟家寸心言不盡前路日將斜
過故呂侍御宅

不見承明客愁聞長樂鐘馬卿何足一世漢主欲登封
送楊著作作歸東海

楊柳出關色東行千里期酒酣暫無別路遠始相思
九日寄姪

采菊偏相憶傳香寄便風今朝竹林下莫使桂尊空
崔逸人山亭

藥徑深紅蘚山窓滿翠微羨君花下醉胡蝶夢中飛

宿洞口館

野竹通溪冷秋泉入戶鳴亂來人不到寒草上階生

梨花

艷淨如籠月香寒未逐風桃花徒照地終被笑妖紅

感事三首

元稹二十五首

爲國謀羊舌從來不爲身此心長自保終不學張陳
自笑心何劣區區辨所寃伯仁雖到死終不向人言
富貴年皆長風塵舊轉稀白頭方見絕遙爲一霑衣
題翰林東閣前小松

簷礙脩鱗亞霜侵簇翠黃唯餘入琴韻終待舜絃張
西還

悠悠洛陽夢鬱鬱灞陵樹落日正西歸逢君又東去
與樂天同葬杓直

元伯來相葬山濤誓撫孤不知他日事兼得似君無
旅眠

內外都無隔帷屏不復張夜眠兼客坐同在火爐牀
合衣寢

良夕背燈坐方成合衣寢酒醉夜未闌幾回顛倒枕
竹簾

竹簾襯重茵未忍都令卷憶昨初來日看君自施展
牡丹二首

簇蔭風頻壞裁紅雨更新眼看吹落地便別一年春
繁綠陰全合衰紅展漸難風光一擡舉猶得暫時看
象人

被色空成象觀空色異真自悲人是假那復假爲人
歲日

一日今年始一年前事空淒涼百年事應與一年同
贈熊士登

平生本多思況復老逢春今日梅花下他鄉值故人

夏陽亭臨望

望遠音書絕臨川意緒長殷勤眼前水千里到河陽

日高睡

隔是身如夢頻來不爲名憐君近南住時得到山行

輞川

世累爲身累閑忙不自由殷勤輞川水何事出山流

天壇歸

爲結區中累因辭洞裏花還來舊城郭煙火萬人家

雨後

倦寢數殘更孤燈暗又明竹梢餘雨重時復拂簾驚

晴日

多病苦虛羸晴明強展眉讀書心緒少閑卧日長時

直臺

麋入神羊隊烏驚海鷺眠仍教百餘日迎送直廳前

行宮

寥落古行宮宮花寂寞紅白頭宮女在閑坐說玄宗

醉行

秋風方索漠霜貌足睽携今日騎驄馬街中醉踏泥

指巡胡

遣悶多憑酒公心只仰胡挺身唯直指無意獨欺愚

飲新酒

聞君新酒熟，況值菊花秋。莫怪平生志，圖銷盡日愁。
香毬

順俗唯團轉，居中莫動搖。愛君心不測，猶訝火長燒。
嘉陵水

爾是無心水，東流有恨無我心。無說處也，共爾何殊。
漫天嶺贈僧

五上兩漫天，因師懺業緣。漫天無盡日，浮世有窮年。
百牢關

天上無窮路，生期七十間。那堪九年内，五度百牢關。

二月十九日酬王十八全素

君念世上川，嗟予老瘴天。那堪十日内，又長白頭年。
古築城曲五解

年年塞下丁，長作出塞兵。自從冒頓強，官築遮虜城。
築城須努力，城高遮得賊。但恐賊路多有城，遮不得。
丁口傳父口，莫問城堅不。平城被虜圍，漢斷城墻走。
因欲請休和，虜騎往來過。半疑兼半信，築城猶差峩。
築城安敢煩，願聽丁一言。請築鴻臚寺，兼愁虜出關。

逢雲宿芙蓉山

劉長卿三十首

日暮蒼山遠，天寒白屋貧。柴門聞犬吠，風雪夜歸人。

送客之閩中

朝無寒士造家在舊山貧相送天涯裏憐君更遠人
贈秦系二首

群公誰讓位五柳獨知貧惆悵青山路煙霞老此人
初迷武陵路復出孟嘗門回首江南岸青山與舊恩
夜中對雪贈秦系時秦初與謝氏離婚謝
氏在越

月明花滿地君自憶山陰誰遣因風起紛紛亂此心
湘妃

帝子不可見秋風來暮思嬋娟湘江月千載空蛾眉

斑竹

蒼梧千載後斑竹對湘沅欲識湘妃怨枝枝滿淚痕
春草宮懷古

君王不可見芳草舊宮春猶帶羅裙色青青向楚人
正朝覽鏡

憔悴逢新歲芳菲見舊春朝來明鏡裏不忍白頭人
瓜洲送李端公

片帆何處去匹馬獨歸遲惆悵江南北青山欲暮歸
送張十八歸桐廬

歸人乘野艇帶月過江邨正落寒潮水相隨夜到門

過白鶴觀尋岑秀才不遇

不知方外客何事鎖空房應向桃源裏教他喚阮郎

聽彈琴

泠泠七絃上靜聽松風寒古調雖自愛今人多不彈
詠墻陰下葵

此地常無日青青獨在陰太陽偏不及非是未傾心
入百丈澗見桃花晚開

百丈深澗裏過時花欲妍應緣地勢下遂使春風偏
送子壻往揚州四首

渡口發梅花山中動泉脉蕪城春草生君作揚州客

半邏鶯滿樹新年人獨還落花逐流水共到茱萸灣
鴈還空渚在人去落潮翻臨水獨揮手殘陽歸掩門
狎鳥携稚子釣魚終老身殷勤囑歸客莫話桃源人

寄龍山道士

悠悠白雲裏獨住青山客林下晝焚香桂花同寂寂
送方外上人

孤雲將野鶴豈向人間住莫買沃洲山時人已知處
送靈澈

蒼蒼竹林寺杳杳鐘聲晚荷笠帶夕陽青山獨歸遠
茱萸灣

荒涼野店絕迢迢
人煙遠蒼蒼
古木中多是隋家苑
赴楚州阻淺

楚城今近遠
積靄寒塘暮水淺
舟且遲淮潮至何處
江中對月

空洲夕煙歛
望月秋江裏
歷歷沙上人
月中孤渡水
平蕃曲三首

吹角報蕃營
回軍欲洗兵
已教青海外
自築漢家城
渺渺戍煙孤
茫茫寒草枯
隴頭那用閉
萬里不防胡
絕漢大軍還
平沙獨戍閑
空留一片石
萬古在燕山
尋賀九不遇

楚水日夜綠
傍江春草深
青青遙滿目
萬里傷歸心
送友人

對酒灞亭暮
相看愁自深
河邊草已綠
此別難爲心
送蕭校書
朱餘慶 六首

馬識青山路
人隨白浪船
別君猶有淚
學道漫經年
宿道士觀

堂閉仙人影
空壇月露初
閑聽道家子
盥漱讀靈書
送陳標

滿酌勸童僕
好隨郎馬蹄
春風戒行李
莫上白銅鞮
重陽宴百花亭

唐詩卷六
九
閑携九日酒共到百花亭醉裏求詩境回看島嶼青
酬李驥侍郎

此去非關興君行不當遊無因兩處馬共飲一溪流
別李侍御後却寄

已作亭下別未忘燈下情吟多欲就枕更漏轉分明
天長路別朱大
李驥二首

驛騎難隨伴尋山半憶君蒼崖殘月路猶數過溪雲
酬朱大

十夜郡城宿苦吟身未閑那堪西郭別雪路問看山
雨後思湖上居
許渾六首

前山風雨涼歇馬坐坐楊何處芙蓉落南渠秋水香
聞歌

新秋絃管清時轉遏雲聲曲盡不知處月高風滿城
思天台山

赤城雲雪深山客負歸心昨夜西齋宿月明琪樹陰
長安早春懷江南

雲月有歸處故山清洛南如何一花發春夢徧江潭
塞下

夜戰桑乾北秦兵半不歸朝來有鄉信猶自寄征衣
送客南歸

野寺薜蘿晚官渠楊柳春
歸心已無限更送洞庭人

萬首唐人絕句卷第六

五樂齋
匡書

